

51. Mjetel a hnójski bruk. [32.]

„Pój, žiw so wšak wot kwětkow tuka,  
 Pój!“ wabi mjetel hnójskoh' bruka,  
 „Njej' lěpje čiste wuzwolić  
 A k lěpšemu so přiłožić?“  
 A zo by bruk lóšt, lubosć dostał  
 A při tej lěpšej pastwje wostał:  
 Tam mjetel z nim je lětała  
 A swój kumšt jemu pokaza.

Ta nowa wěc so bruka jima,  
 Směch towařšow wón kedźbu nima;  
 Wón rady khwalbu srěbaše,  
 Duž z njerjada so pozběže.  
 Wón jědzeše proch kwětkow rjanych  
 A pilny njeprěpušći žanych,  
 A mjetele žno wyskachu:  
 „„Tu měchmy dušu dobytu!““

Přez pola, luki, přez poł swěta  
 Naš bruk, kaž praju, dołho lěta,  
 A we tym zo tak čahaše,  
 Wón kruwjacy planc wuhladnje.  
 Tón běše jeho pastwa stara  
 A wonja jemu jara jara,  
 Tež stari bratřa kiwaja —  
 Wón mysli a so rozmysla.

„Wzmi pos te kwětki wšě!“ wón trubi,  
 „Tón planc mi zawěrnje so lubi